

主席你好，大家好，我是代表北區婦女運動的何舒恩

政府推垃圾徵費作為推動市民進行『廢物源頭分類』、『乾淨回收』、減少廢物棄置，將垃圾徵費講到好好聽話係誘因，其實跟本就係懲罰，所以建議用獎勵型式鼓勵市民推動市民參與乾淨回收會好啲，<sup>做多</sup>以指定數量的乾淨回收物（可循環再造物料，如塑膠/膠樽、廢紙、鋁罐、玻璃樽）換取徵費垃圾袋，成為市民參與/推動減廢及在廢物源頭分類的誘因。<sup>另外</sup>

政府話大力推動市民進行廢物源頭分類，但係 2015 年固體廢物監察報告中，『每日』被棄置於堆填區既廢塑膠有 2183 公噸（佔咗都市固體廢物 21%），另外係 2015 年期間共有 9 萬 4 公噸塑料被回收，當中只有 5 千 4 公噸係本地循環再造，e 架係街上面既回收箱收集到既回收物係點處理架？一下咁就倒埋落啲非回收既固體垃圾度，全部啲回收物料就咁變晒做廢物去晒堆田區，所以過去幾年塑膠既回收數字咁低囉，2013 年同 2015 年相比，回收塑膠量由 24 萬 3 跌到得 9 萬 4 公噸，回收率足足跌咗 6 成，再加上回收塑膠原料市價大跌，反映現時需要廢塑料輸入既國家需求減少，開始有『供過於求』既情況。

政府係咪應該諗清楚，香港真正需要既係點咩既『真環保、真回收』？做環保回收需要啲咩？現時香港既回收業大部份都係回收再出口，香港係時候要靠自己做大力推動『回收再生』先能夠真正做到減廢。係 2014 年 12 月，香港生產力促進局曾經做咗份『促進香港塑料、紙料、及廢食用油回收再造研究』，研究中亦有例出係香港營運回收再造塑料既困難，相信當時同現時營運既投資者都係一樣，仍然面對住相同既問題同困難，人工貴、需要既人手比例大、勞工保險貴、運輸貴、租金又貴，開支有增無減，但係塑膠原料價就係咁跌，7 除 8 扣後重有幾多盈利，又辛苦、利潤又低邊個老闆、投

資者肯做蝕本生意。所以建議政府向回收及再造業界提供更多資金及土地的資助或支援，甚至提供補貼，吸引更多的投資者重投或加入回收及再造/再生業，確保業界或投資者留港善用其資源同技術；

重有回收要有地方先做到架，無地點做，由 2010 年至 2016 年期間，全港只得一間做塑膠資源再生中心，位於屯門環保園內，係 6 年間政府批出 2 千 5 百萬補貼其營運，但係最終都係頂唔住要離場，係營運上相信真係好難做，要做塑膠回收再生真係好多工序，如果唔將啲工序打散嚟做，係運入去環保園之前做咗啲工序先的話，係運輸成本上一定好高，建議政府係各區設立一個負責處理回收塑膠前期工序中心，先處理收回塑膠、清洗、分類及壓縮等工序，再運往環保園，塑膠經壓縮後能減輕運輸成本，有助回收及再生的工作及營運，以確保香港的回收循環物料能得以妥善處理，減輕堆填區的負荷，及保護香港環境及救救地球。